

Reirei 1: Te Katauraoi ibukin ao Kairakin Bootaki

Ko kona n reirei te reirei aei ni bootaki ke n tibwauaia nakon mwakorokorona aika uarereke riki. Karaoa te reirei aei nakon kainnanaoia, aia ririki, ao otaia kaain am kooram ke kaain te beretitentii n te kiraati.

E KAOIRA TE UEA BWA TI NA BARONGAIRA

Wareka [Reirei ao Berita aika Tabu 88:119](#). Maroroakinna bwa e kanga ana kaetieti te Uea ni “barongaiko” ni kaineti nakon bowin te beretitentii n te kooram ao te kiraati. Tera tabeua bwaai aika ti kona ni karaoi ni barongai ara boowi?

BABAIRE IBUKIN BOOWI A BUOKIIRA NI BARONGAI ANA MWAKURI TE UEA

Buoka te beretitentii n te kooram ke te kiraati ni kanoa te [katooto n te akenta](#) ibukin te katauraoi nakon aia boowi n te beretitentii are imwiina. Iangoia ni bootaki ni maroroakin titiraki aikai:

- Bukin tera e kakawaki iangoan titiraki n aron ake inanon te akenta?
- Tera boowi ke waaki ni kakukurei riki ake tabeua aika ti kona ni katauraoi ibukina n te kawai aei?
- Ti na kanga ni kaoa te Tamnei ae Raoiroi bwa e na buokiira ngkai ti bairei ao ni kairi boowi?
(Taraa [Moronaai 6:9](#); [Reirei ao Berita aika Tabu 46:2](#).)

Ko kona naba ni kaoia kaain te beretitentii bwa ana katauraoa te akenta ibukin bowin te kooram ke boowin te kiraati are imwiina te kabwarabwara inanon reirei n tatabeua nako inanon [Nakomai, Iriirai—Ibukin Kiraati ni Kooram n te Nakoanibonga ae te Aaron ao Aia Kiraati Ataeinnaine](#). Kaoia bwa ana iangoi bwaai ake a maroroakin n aia boowi n te beretitentii ake a kainnanaoia naba bwa ana maroroakinaki ma kaain te kooram ao te kiiraati. Ngkana e tau te tai, ko kona ni kaoia bwa ana kataneia ni karaoa te boowi man kabonganakin te akenta are a katauraoaia.

N te tai teuana ma teuana, ko na bae n tangiria ni maroroakinna bwa tera aia namakin kaain te beretitentii ibukin te boowi. Ngkai mwakoron te maroro aei, ko kona n tabeki titiraki n aron aikai:

- E kakoroa nanon te bwai ae ti kantaningaia te boowi aei?
- Tera ae ti karaoaia ni kaoa te Tamnei nakon te boowi aei? (Taraa [Reirei ao Berita aika Tabu 6:32](#).)
- Ti kataia ni mwaneia aomata ni kabane?
- Ti na kangaa ni katamaroaiara?

BWAAI NI MWAKURI

- *Aeniboki ni Kabuta: Te Beku n Ana Ekaretia Iesu Kristo Ibukiia Aika Itiaki ni Boong Aika Kaitira*, [10.4](#), [11.3.4](#), ChurchofJesusChrist.org